

Apost. 1. Cor. 5. Quid mihi de his, qui foris sunt iudicare. Et quia potestas Episcopalis directe respicit corpus Christi mysticum, & eius membra, potestas autem sacramenti Eucharistiae directe respicit corpus Christi uerum, & potestas baptizandi non tantum respicit illum solum, qui est Ecclesiae membrum, sed etiam illum, qui nec est, nec fuit Ecclesiae militantis membrum, idem Vicarius potest ab illo auferre dignitatem Episcopalem, non tamen ab homine potestatem baptizandi, nec à sacerdote potestatem conficiendi.

- 25 di. Secus autem est  $\dagger$  de suspensis, quia per priuationem, seu degradationem tollitur potestas, sed per suspensionem prohibetur potestatis usus. Et ideo si Episcopus suspensus confirmat, uerè confirmatus remanet, sed confirmandum mortaliter peccat, quia uirum potestate, cuius usus est sibi prohibitus, hinc Rich. 4. dist. 7. q. 2. ar. 2. & Asten. ubi supra.

- Nona. Episcopus, quando uult christi-  
26 ma  $\dagger$  conficere, debet missam celebrare, & hoc in Ecclesia cathedrali, nisi ex iusta causa impediatur, ext. de celebr. miss. c. te referente. Singulis autem annis debet in cena Domini nouum christina confici, & uetus in Ecclesia cremari, de consecr. dist. 4. c. litteris. Non debet etiam christina accipi nisi à proprijs Episcopis, de consecr. dist. 4. c. presbyteri. Et quilibet presbyter debet illud accipere quotilibet anno, vel per se, vel per diaconum, dist. 95. c. presbyteri. Vnde Abbates peccant qui accipiunt illud ab alijs, nisi sint priuilegiati quòd possint accipere à quibus uelint, ut dicit ibi glossa.

- 27 Decima. Confirmationis  $\dagger$  sacramentum non est iterandum, quando confirmandus esset oleo pro christmate unctus, licet Episcopus mortale crimen committat, & sit caute suppleendum, quod esset omisum, ut habetur in cap. pastoralis, de sacr. non iter. ubi habetur, non esse iterandum confirmationem in eo, qui per errorem fuit non christmate, sed oleo illinitus. Quod si quis obiciat, christma ex oleo & balsamo esse materiam confirmationis,

& per consequens esse de necessitate confirmationis. Resp. quòd intelligitur christma esse de ratione praecepti, & significationis, non autem de necessitate, & essentia confirmationis.

- 28 Undecima. Episcopus, qui bis  $\dagger$  eundem confirmaret scienter, non est irregularis, sicut neque reconfirmatus ignoranter. Quod secus est de rebaptizante scienter, & de rebaptizato ignoranter. Nam de rebaptizante, vel ministerium preberet, habetur extra de apost. c. 2. de rebaptizato, de consecr. dist. 4. c. qui bis, & ratio est, quia nulla poena irregularitatis iterantibus confirmationem imponitur, c. dictum, c. seq. de consecr. dist. 5. ergo sequitur quod non sit irregularis, cum irregularitas tantum contrahatur in casibus à iure expressis, c. is, qui, de sentent. excom. in sexto. ita Turrecrem. in d. capitu. dictum, num. 6.

- Duodecima. Confirmationis forma conueniens est  $\dagger$  illa. Consigno te signo crucis, & confirmo te christmate salutis, in nomine Patris, & c. Et ratio est: quia illa forma est conueniens forma Sacramenti, per quam, & in qua exprimentur ea, quae sunt necessaria ad sacramentum confirmationis. Sed in ista forma exprimentur ea, quae sunt necessaria ad ipsam confirmationem ergo: in confirmatione enim est necessaria persona ministri conferentis sacramentum, & istud exprimitur, cum dicitur: Consigno, & confirmo. Est insuper ibi necessaria persona suscipiens sacramentum, quae exprimitur, cum dicitur, te. Est ibi etiam necessaria materia sacramentalis, quae exprimitur, cum dicitur: Christmate. Est insuper necessaria uirtus Dei conferentis efficaciam sacramenti, quae exprimitur, cum dicitur: In nomine Patris, & c.

- 30 Teritiadecima. Cognatio  $\dagger$  spiritualis causatur, & procedit ex administratione baptismi, & confirmationis, & quia tales cognationes spirituales matrimonia impediunt. Hinc iuxta sacrorum Canonum instituta non plures ad suscipiendum infantem in baptismo, quam unus accede-